



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessio Fidei Exhibita Invictiss. Imp. Carolo V. Cæsari
Aug. in Comicijs Avgvstæ. Anno M. D. XXX.**

Melanchthon, Philipp

Viteberga, 1542

VD16 C 4714

Qvid Sit Fides Ivstificans.

urn:nbn:de:hbz:466:1-35748

DE IVSTIFICATIONE.

rat corda, & præcedit legis impletionem. Et de
hac fide nulla syllaba extat in doctrina aduersa-
riorum nostrorum. Proinde reprehendimus aduersa-
rios, q̄ tantum tradunt iusticiam legis, non tradunt
iusticiam Euangeli, quod prædicat iusticiam fidei
in Christum.

QVID SIT FIDES IVSTI- FICANS.

ADuersarij tantum fingunt fidem esse noticiam
historiae, ideoq; docent eam cum peccato mor-
tali posse existere. Nihil enim loquuntur de fide,
qua Paulus toties dicit homines iustificari, quia
qui reputantur iusti coram Deo, non uersantur in
peccato mortali. Sed illa fides, quæ iustificat, non
est tantum noticia historiae, sed est assentiri promis-
sioni Dei, in qua gratis propter Christum offertur
remissio peccatorum & iustificatio. Et ne quis su-
spicetur, tantum noticiam esse, addemus amplius, est
uelle & accipere oblatam promissionem remissio-
nis peccatorum & iustificationis.

Ac facile potest cerni discriminem inter hanc
fidem, & inter iusticiam legis. Fides est Æterna
que

DE IVSTIFICATIONE.

19

quæ accipit a Deo oblata beneficia, Iustitia legis
est λατερία quæ offert Deo nostra merita. Fide
sic uult coli Deus, ut ab ipso accipiamus ea quæ
promittit & offert.

Quod autem fides significet non tantum hi-
storiæ noticiam, sed illam fidem, quæ assentitur
promissioni, aperte testatur Paulus, qui ait, Iustici-
am ideo ex fide esse, ut sit firma promissio. Sentit
enim promissionem nō posse accipi, nisi fide, Quare
inter se correlatiue comparat & connectit pro-
missionem & fidem. Quanquia facile erit iudicare,
quid sit fides, si symbolum consideremus, ubi certe
ponitur hic articulus, Remissionem peccatorum.
Itaque non satis est credere, quia Christus natus, pas-
sus, resuscitatus sit, nisi addimus & hunc articu-
lum, qui est causa finalis historiæ, Remissionem
peccatorum. Ad hunc articulum referri cetera
oportet, quia uidelicet propter Christum, non prop-
ter nostra merita donetur nobis remissio peccato-
rum. Quid enim opus erat Christum dare pro pec-
catis nostris, si nostra merita pro peccatis nostris
possunt satisfacere?

Quoties igitur de fide iustificante loquimur,
sciendum est haec tria obiecta concurrere, promis-

C iij sionem

DE IVSTIFICATIONE.

sionem, & quidem gratuitam, & merita Christi tanquam præcium & propiciationem. Promissio accipitur fide, gratuitum excludit nostra merita, & significat tantum per misericordiam offerri beneficium. Christi merita sunt præcium, quia operatur esse aliquam certam propiciationem pro peccatis nostris. Scriptura crebro misericordiam implorat, Et sancti patres sæpe dicunt, nos per misericordiam saluari. Quoties igitur fit mentio misericordiæ, sciendum est, q[uod] fides ibi requiratur, quæ promissionem misericordiæ accipit. Et rursus quoties nos de fide loquimur, intelligi uolumus obiectum, scilicet misericordiam promissam, Nam fides non ideo iustificat, aut saluat, quia ipsa sit opera sece dignum, sed tantum quia accipit misericordiam promissam.

Et hic articulus, hæc λατερία in Prophetis & Psalmis paßim præcipue laudatur, cum tamen lex non doceat gratuitam promissionem peccatorū, Sed Patres norant promissionem de Christo, q[uia] Deus propter Christum uellet remittere peccata. Igitur cum intellegent Christum fore præcium pro nostris peccatis, sciebant opera nostra non esse præcium rei tantæ. Idco gratuitam misericordiæ & remissionis

missionem peccatorum fide accipiebant, sicut sancti in novo testamento. Huc pertinet ille cerebrae repeticiones misericordiae & fidei in Psalmis & Prophetis, ut hic. Si iniquitates obseruaueris Domine, Domine quis sustinebit? Hic confitetur peccata, nec allegat merita sua. Addit, Quia apud te propiciatio est. Hic erigit se fiducia misericordiae Dei. Et citat promissionem. Sustinuit anima mea in uerbo eius. Sperauit anima mea in Domino, id est, quia promisisti remissionem peccatorum, hac tua promissione sustentor. Et Paulus citat de Abraham. Credidit Abraham Deo, & reputatum est ei ad iusticiam, hoc est, Abraham sensit se habere Deum propicium, tantum propter ipsius promissionem. Assensus est promissioni Dei, nec passus est se ab ea abstrahi, etiam si uidebat se immundum atque indignum esse. Sencibat Deum praestare promissum propter ueritatem suam, non propter opera aut merita nostra. Nec possunt acquiescere per terrefacta corda, si sentire debent, se propter opera propria, aut propriam dilectionem, aut legis impletionem placere, quia haeret in carne peccatum, quod semper accusat nos. Tunc autem acquiescunt corda, quando in illis terroribus statuunt nos, ideo placere Deo, quia promisit, & Deum

C iij praestare

DE IVSTIFICATIONE.

præstare promissum propter suam ueritatem, non propter dignitatem nostram. Ita Abraham audiuimus hanc uocem, Noli timere, Ego enim sum protector tuus &c. Hic erexit se, & sensit Deum sibi propicium esse, non quia ipse meritus esset, Sed quia necesse esset Dei promissionem ueram iudicari. Hæc igitur fides imputatur ei pro iusticia, hoc est, quia assentitur promissioni, & accipit oblatam reconciliationem, iam uere est iustus & acceptum Deo, non propter dignitatem suam, sed quia gratuitam promissionem Dei accipit. Non frustra placuit Paulo hoc testimonium Genesis. Videmus quomodo exaggerat, quam diligenter in eo commoratur, quia uidebat naturam fidei in hoc loco facile perspicci posse, Videbat diserte addi testimonium de imputatione iusticie. Videbat adimi operibus laudem promerendæ iustificationis & pacandæ conscientie. Cum Abraham ideo pronuncietur iustus, quia assentitur promissioni, & accipit oblationem reconciliationem, non opponit iræ Dei merita aut opera. Quare hic locus diligenter consideratus, copiose de tota re piis mentes docere poterit, qui quidem ita intelligi poterit, si proponant eum sibi perterrefactæ mentes, & statuant ad eum modū se debere assentiri gratuita promissio-

ni. Neg

ni. Neq; enim possunt aliter acquiescere, nisi statuant se habere Deum placatum, quia promiserit, non quia nostra natura, uita & opera digna sint.

Itaq; & Patres iustificabantur, non per lumen, sed per promissionem & fidem. Ac mirum est aduersarios adeo extenuare fidem, cum uidant ubiq; pro præcipuo cultu laudari, ut Psal. 49. Inuoca me in die tribulationis, & eripiam te. Ita uult innotescere Deus, ita uult se coli, ut ab ipso accipiamus beneficia, & quidem accipiamus propter ipsius misericordiam, non propter merita nostra. Hæc est amplissima consolatio in omnibus afflictionibus. Et huiusmodi consolationes abolent aduersarios cum fidem extenuant, & uituperant, & tantum docent homines per opera & merita cum Deo agere.

QVOD SOLA FIDES IN CHRISTVM IVSTIFICET.

Primum, ne quis putet nos de ociosa noticiae historiæ loqui, dicendum est quomodo continat fides. Postea ostendemus & q; iustificet, & quomodo hoc intelligi debeat, & diluemus ea que

C V aduct